



# LEANO LE TLA ETSA MMUSO WA MOTSE OO SEBELETSE HANTLE

**Voutela ANC**

**Bophelo bo botle bakeng sa bohle**



# LEANO LE TLA ETSA MMUSO WA MOTSE OO SEBELETSE HANTLE

Lemong tse hlano haesale baahi ba Afrika Borwa ba kgethile makgotla a metse a sa kgetheng mmala a demokrasi ya sebele kgetlo la pele, re sebeditse mmoho ho ntlafatsa bophelo ba baahi hohle ka hara naha.

Mebila e kentswe sekontiri mme diterata tsa kgantsha mabone kgetlo la pele; metsi le motlakase e se e le ntho tse kgonehang ho ena le pele; matlo a mangata a ile a ahwa; ditshebeletso tsa baahi tse kang ho thothwa ha matlakala tsa ntlafala; batho ba bangata jwale ba se ba fumana ditshebeletso tsa motheo ntle le tefo; dinqalo tsa dipapadi le boithapollo le tsona di ile tsa ahwa; diofisi tsa makgotla a metse tsa ikitlaetsa le ho feta ho fihlella ditlhoko tsa baahi.

Empa le teng, ho sa na le tse ngata tse tlamehang ho etswa. Ka ahella hodima tswelopele eo re entseng mme re ithuta ka tseo re fetileng ho tsona, ANC e radile leano le tla etsa hore makgotla a metse a o sebeletse hantle.





Ka leano lena re tlo:

- **Potlakisa phano ya ditshebeletso tsa motheo** ho netefatsa hore ma-Afrika Borwa ohle a fumantshwa metsi a hlwekileng le tsamaisong ya dikgwerekgwere ka selemo sa 2010, matlo ohle a be le motlakase ka 2012 mme hobe le phano ya ditshebeletso e phethahetseng.
- **Ntlafatsa phumantsho ya matlo**, ho netefatsa hore hoba le matlo a boleng haufi le menyetla ya moruo.
- **Ntlafatsa tshebeletso tsa setjhaba** dipetlele le ditliniking, dikolong, ditsheng tsa sepolesa le dibakeng tse ding tsa mmuso.
- **Etsa menyetla ya mesebetsi** ka ho kenya tshebetsong merero e meholo ka hara diprovince tsohle.
- **Aha marangrang a tliekelo ka leano la mesebetsi ya setjhaba** ho netefatsa hore hoba le ntshetsopele ya bokgoni le menyetla ya mesebetsi.
- **Lwantsa bofuma** ka ho kenya tshebetsong leano le ikgethang dibakeng tsa mahae le metseng ya ditoropo moo bofuma bo jeleng setsi.
- **Tshehetsa ntshetsopele ya kgwebo tse nnyane** ka ho thusa ka boiphihlelo, mekitlane le dithoko tse ding.

Ho netefatsa hore leano lena le kentswe tshebetsong, mmuso wa ANC o hlophisitse sehlopha sa boemo bo hodimo se tla sebetsa le bommasepala ba hlokang thuso le tshehetso ena ka **tshebedisano-mmoho**.

Ditlhahlobo di se ntse di etswa tse mabapi le ditlhoko tsa masepala ka mong e le hore ANC e tle e netefatse hore makgotla a metse a fuwa **mehlodi ya thuso e eketsehileng mmoho le basebeletsi ba rupelletseng**.

Re tla ntlafatsa tshebetso le boikarabelo ba balekgotla (makhanselara) ka tshebediso ya **molao wa boitshwano** oo ditho tsohle tsa ANC tsa makgotla a metse di tshwanetseng ho ikana tlasa ona mme di ikobele ona. Tshebetso ya bona e tla lekolwa kgafetsa ho bona hore ba fihlella diphelelo.

Bohle re batla tshebeletso tse ntle dikolong tsa rona, ditliniking le diofising tsa mmuso. Bohle re batla menyetla e ntlafatseng ho ntshetsapele bophelo ba malapa a rona. Baahi bohle ba tshwanelwa ke tsamaiso e phethahetseng ya dikgwerekgwere, mebila e metle, tikoloho e hlwekileng le mabone diterateng tsa rona.

Mmoho, ha re jarisana morerong wa Tumellano ya Setjhaba, e mong le e mong wa rona a ka fumana bophelo bo bottle naheng ena ya Afrika Borwa.

**Tshehetsa leano le tla etsa makgotla a metse  
a o sebeletse hantle.**

**Kgetha ANC dikgethong tse tlang tsa makgotla  
a metse, ka la 1 March 2006.**

**Voutela ANC**

**1 MARCH 2006**

